

Dužanka Majkić

1. Inicijativa upućena Vijeću ministara BiH – „U skladu s članom 30. Zakona o postupku zaključivanja i izvršavanja međunarodnih ugovora, „Službeni glasnik BiH“, broj 29/00, od 30.11.2000., Vijeće ministara BiH obavezno je najmanje jednom godišnje obavijestiti Predsjedništvo BiH i Parlamentarnu skupštinu BiH o izvršavanju međunarodnih ugovora. S obzirom da do sada Vijeće ministara BiH nikada nije ispunilo tu obavezu, Parlamentarna skupština BiH nema informaciju o važećim bilateralnim ugovorima, posebno o onim kojima BiH preuzima kreditne i druge finansijske obaveze.

U skladu s tim pokrećem sljedeću inicijativu:

1. da Vijeće ministara BiH pristupi izradi sveobuhvatne analize svih do sada potpisanih i sukcesijom preuzetih međunarodnih ugovora koje je zaključila BiH;
 2. da Parlamentarnoj skupštini BiH i Predsjedništvu BiH dostavi pregled svih važećih bilateralnih ugovora (sa navedenim osnovnim elementima iz ugovora);
 3. da se Parlamentarnoj skupštini BiH i Predsjedništvu BiH dostavi informacija o međunarodnim ugovorima koje je potpisala ili preuzela po sukcesiji BiH za koju su nadležni organi državne uprave konstatirali neizvršenje ili probleme u izvršenju (u skladu s članom 27. navedenog zakona).“
2. Pitanja upućena Agenciji za unapređenje stranih investicija u BiH:
 1. Na osnovu kojih zakonskih odredbi je formiran Fond za podršku stranim investitorima u BiH?
 2. Koliko je do sada odobreno sredstava za ovu namjenu po godinama?
 3. Koje su sve firme dobile sredstva Fonda za 2010. godinu u iznosu od 1.887.000 KM (od ukupno odobrenih 2 000 000 KM)? Precizno navesti naziv firme i vrijednosti dodijeljenih sredstava po firmama, te namjenu sredstava.
 4. Da li FIPA ima izrađenu poslovnu strategiju i akcioni plan? Ako ima, staviti mi na uvid.
 5. Šta rukovodstvo Agencije namjerava preduzeti na racionalizaciji troškova i to prvenstveno na:
 - a) smanjenju broja članova Upravnog odbora FIPA-e (kroz izmjenu zakona) i
 - b) smanjenju troškova zakupa koji su u 2010. godini iznosili oko 250.000 KM (Avazov toranj)?“